

蕭
碧
堂
集

瀟碧堂集卷之六

石公表宏道中郎撰

麻城李長康酉卿閱

詩

村居襍題

古柳半心枯樓臺瀉碧湖山花權作侑溪鳥乍
名奴隣叟詢難字田家掛曆圖老松饒韻格屋
底近千株

二

余族自丙戌以來大魁者一人通籍者
一人鄉書者三人入鄉校者幾四十人

村中崇儒尤多
卿書亦三人

稍似朱衣巷兒童問禮詩一村垂大帶十里望
丹旗小榜依蠻市枯楊卧水祠樹皮如蘚石老
盡寄生枝

散木和前詩仍用韻答

小雨潤苔枯魚父集曉湖著書要惠子作帖與
官奴夜語天台約秋山瀑布圖霜花看漸老著
意養寒株

二

山居無可好只是好吟詩
砌葉封重戶
鑪花戰茗旗
魚商填小市
孤粉聚空祠
偶到騎羊路
紅柑綴滿枝

再和散木韻

空堦銳艸枯
山影落澄湖
花下春雲母
霜中課橘奴
移家求水石
捨宅事浮圖
一笑掀髯去
孤峰絕頂株

二

白石青烟夢
空花水月詩
禪鋒摧老敵
糟壘豎

高旗雲濕蒼筤嶺江寒杜若祠
柳梅多手植忽已見孫枝

山中舊齋

山禽漠漠墮霜翎戶外長搜老茯苓
蒲柳根中抽夏筍桃花枝上寄冬青
竹蜂入壁垂千穴天棘縈絲滿一庭
猶有數行殘粉字古槐西角舊傳經

集沈青平齋限韻

霜月寒衝瓦松風夜入爐
麗歌飛楚雪方語襍

吳都閣裡藏幽鳥
花間命女雛
一窓雲氣冷
白水對清醑

二

角杯椰子釀
沉水博山爐
酒至申三令
詩成償五都
茶花披冷艷
笋竹放冬雛
痛飲何妨夜
西隣有濁醑

齋中閒夜小集

久語綠觥殘
重帷把月寒
尋常杯酒事
動作歲年看
石眼穿花瓣
霜巖碎馬肝
靜思膏火理
一

倍使心安

二

去去北山殘寒灰決定寒隨他花錦爛只作水
雲看空月舒顏面閒窓語肺肝新居頻料理眾
喜竹平安

歲暮書懷得風字

拍板付青童衰顏一咲紅斜波冰閃日虛屋柳
啼風樹影溪紋路鷗心鶴貌翁顛毛雪種種只
合老墻東

二

衰至學無功家鄉是醉中更無催老曆只有鮮
醒風日日添鬢白連連喚頰紅騰騰一枕去直
欲傲天公

次峯字韻

平常心遠處即是最高峰小闢池三畝橫開室
幾重花枝宜古瘦酒味去甘濃莫道追隨厭讀
書老亦慵

二時小脩北書至

近沼添田道當窓卓小峰書來燕雪湍夢去越
山重谷水烹茶冽螺烟滲紙濃經冬人事減多
半為花慵

荅魯印山見賀新居之作

東亭故宅昔曾過旋看新花剪舊莎簾遠頗宜
低度曲門寬兼得大張羅鳩巢喚婦真成拙爪
屋隨身也覺多試問柳浪湖上柳幾回秋艸幾
春波

小竹林蠟梅盛開兼贈主人

頓覺水沉麝幽香襲一湖瘦枝梅韻格鮮蕊挂
肌膚月下高真夢烟中靜女圖主人無俗累花
性也清孤

水仙花

琢盡扶桑水作肌冷光真與雪相宜但從姑射
皆仙種莫道梁家是侍兒

癸卯初度筵中示社友及兩弟

拋他銀綬去躬耕半踏鄉村半市城竹大許年
成老友梅開是度作同庚但憑髭髮稱前輩轉

覺聰明畏後生紫鳳檀槽香拍板聽來都肖水
泉聲

和僧韻因贈

山僧能險語酷似李才江坐久衣粘石人歸雪
滿窓看雲開竹戶會境寫花幢手把枯藤去孤
清鶴一雙

甲辰元旦飲劉繩之梅花下聽歌時一衲
在側

小艷催花發長眉帶柳來醉憐迴雪舞老怕

年杯笑靨生春暈
禪心試冷灰一尊一板去村舍
幾題梅

穀日小集五弟春艸堂得穀字限韻

七尺捐酒杯一笑三萬六紅袖間縞衫烟水疊
絲肉花光薰冷雲溪紋緯春穀寧為去水鷗不
作在樊鵲簾波捲青天高空墮寒玉鐵板鷓鴣雞
絃長歌倚脩目柳浪千本柳腰肢舞不足詵傲
貽衆譏達者以為穀

和穀字韻

江波日夜鳴。顏綠眼底屏。山青六六茶。花冷齒
燒春。雲酒暈生腮紅。照肉先生吟詩新。履道兒
童覓硯舊。紗縠只覺營生讓。怒鵬未許卑飛奪。
倦鵲水響風枝伴。楚吟濃烟淡月隨。燕玉競奇
角。險建騷場徹。夜燈花守魚目規。紅縷碧推好
手。入地搜天快神足。詩成佳惡自平章。除却莢
稊留嘉穀。

看梅用前韻

海上佳人字萼綠。一笑曾傾三十六。古來相女

如相士莫使精神掩豐肉洗却東家惡朱粉不
御人間閑綃縠一枝素豔倚蒼雲夜夜諸仙返
龍鵠騷魂冒雪走三湘客夢隨風墮群玉氣條
繁蕊亂高清真得時流妄標目詠物寫生同一
肖不貌而工神已足孤山昨歲附詩筒千里函
題寄不穀

代廣陵姬用前韻

為崔生作

低鬟染就宮雲綠麝裙曉展瀟湘六楊子橋東
梅嶺西歸魂幾夜銷香肉輕粧淡抹淺覘眉愛

着生衣棄紬縠一身飄落等吹花千里家鄉任
白鴿東鄰移去復西隣那得王昌與宋玉梅花
終作處士妻海棠暫試詩人目賣珠補屋是何
人方領長環窮也足但得夫婿不從軍同向沙
田種麻穀

集五弟春州堂

草堂紅碧盡離離輕熱輕寒正好時種藥且收
曾效子修花惟去策低枝窓間番舌聽言鳥堤
外風鳶看小兒欲與少陵添故事入春先作海

棠詩

看紙鳶

等閒一葉破高雲一簇妖童十里塵
便與富兒償酒債不須更倩卽仙人

花朝月下泛舟限四韻

練水拍平橋流連暮復朝
却將花歲月收入酒科條
溪閣千場咲風柯十里腰
玲瓏歌莫止面上怕紅消

浣溪莊落成同社中諸友賦

一灣澄碧一絲縑洗却平泉艸木塵溪上唱歌
隨孺子樓頭作客盡仙人鵲鵲帶月移西棖蛟
蟬分花過杜隣白石青山從此始不將簪帶惱
居民

二

溪光梳鬢煖紛紛漸遠喧囂漸不聞堦下每流
無械水窓間時有不歸雲糟壇屢建三章約花
社新頒九錫文一曲垂楊十里板醉中偏倚石
榴裙

賦得溪上落花

碧溪香重水鱗鱗
飄雪回風舞最新
欲止又飛如照影
乍開忽亂似分身
愁深孝女江頭夢
逐陳王枕裡人
欲把遺芳付仙子
任他楊柳六街塵

余友黃鵠生與所暱相去二舍為置符以召各藏其半題曰花信風社中雅其事作詩詠之

剖得銅符與小蠻
一回和著一開顏
香封字字

花題驛錦騎程月作關雲裏快呼王母使雪
中愁上橐砧山劉郎謾恨仙途遠流水桃源咫尺間

二

藥珠新節出仙官使雨召雲也不難油壁車中
呼小小善和坊裏取端端江頭作押逢青鯉花
下移文付彩鸞縱使黃河如帶水雙鉤依舊碧
琅玕

清明

弱女紫絲筐藤花刺路傍柳繁風絮亂波淺水
芽香老學耕田法貧添省事方頭茶與鮮笋刺
日待新嘗

雨中集龔名世平遠樓

江干絲雨洗殘春瘦朵濃條取次新桐葉烟中
遮去艇麥苗風裡數行人鐘鼎屢辨商周識綸
帖閒翻晉宋塵碧艸青畦煩指點尚書高壘卧
麒麟樓在石馬橋近王褒蘭墓

偕崔晦之過二聖禪林時諸衲子出紙索

書戲得猪字

柳瀾滴瀝潘春渠牡丹已老木香初黃蕉白紈
菽香廬唾雲沫月課空虛剡溪十丈雪不如長
眉辟支手自舒波折瘦硬結淺疎細如春蚓濃
如猪書成詰曲不能讀牛鬼蛇神者誰歟天竺
胡兒解我書

石馬莊夜集得封字

苦瘦角詩容題函半尺封夜沉歌板怯窓冷印
香慵醪瀉杯光灑燈分字影重若非文戰苦何

以約談鋒

甲辰會榜題名至時舊友及諸弟在場屋者皆被落因及之

無翼而飛無脰走辰發幽都己南斗一九紅蠟
半通函喧殺青童與白叟珊瑚未盡鐵網愁霜
蹄暫蹶麒麟吼了知妍醜任瞳人未必臬盧真
好手柳浪千頃雪粘天月下窪尊花下曰隔年
兄弟校眉鬚面上浮紋添八九南郭種蔬西郭
田山前着屐山後酒少年愛惜等佛名今日公

然破散帚幽窓日上簾紋紅絕勝朝叅與卯酉
顛毛那許更烏紗花鳥雲烟共白首

四弟旃檀館即事

淙淙石脉溜春渠長日關門掃地居蓮葉漏中
傾研汁木香花底讀方書叢筠傍屋多藏鳥小
市通江易得魚洗墨焚香幽事了連莎堦州任
澆鋤

和散木韻

暖風吹雨旣花畦榮辱何勞問木雞窓下止容

三畝月門前親看一丸泥功名且自輪諸第寒
臥都將付老妻碧水丹崖身自領黃柑斗酒伴
鶯啼

二

廢垣耘得作春畦幽客時來載黍雞蜀葛細裁
三尺雪吳瓶遠餉一封泥全家過未封胡弟半
百高柔菜子妻蔬水雖貧聊自解幸無饑苦使
兒啼

集子靜水明樓聽歌仍和散水韻

百畝春蘭蓋碧畦玲瓏且莫唱黃雞青絲屢罨
鴛紋水紅袖頻麾燕嘴泥峴石坡前山簡客天
花塲上淨名妻千枝萬朶黃家去聽取嬌鶯恰
恰啼

散木方鰥誓不娶詩以嘲之仍用前韻

漢陰無侶灌蔬畦枯枕寒缸坐曉雞未許少湯
能沃雪也知狂絮不粘泥家鳧自伴龜蒙語野
雉聊為牧犢妻割袖今樵聽懺悔辟將黃葉止
兒啼

偶成示衛道人用前韻

丹爐成砌藥成畦
枉把刀圭事犬雞
料得此身雖暫毀
辟如土偶乍漂泥
寒山宛爾稱兄弟
龐叟隨緣示女妻
未轉枕來殘夢了
晨光又動曉鴉啼

竹香

溟雨拖煙濕幾叢
空階十畝月玲瓏
但憑一抹高寒氣
洗盡千梢豔粉風
深院鶴醒人去後
孤雲僧老鼻觀中
松花栢子羌相得
纔有微芬也

不同

二

削盡穠華是此君
碧欄銀沼醉氤氲
全憑出格幽微韻
體出無聲太古文
定裡只消風引月
夢來唯覺水依雲
穢材寫盡湖州派
清冷知他聞不聞

喜小修至自燕

時病方去體

藍衫脫却乍歸鄉
心了無官也不妨
客過試開陳白釀
病餘聊服地黃湯
謾追舌底新朝事
且

覓山中舊睡方拚取大觥與長管一齊闌入少
年場

竹林限四韻

百回經眼地倍倍惜高寒透屋香成澗摩天碧
洗瀾花頭豐似頰枝底嚙如丸縱是酣名客頻
遊也挂冠

二

百畝亭亭綠風梢作意寒只如無市井長似有
波瀾適性琴三疊尊生藥一丸蒼髯白塵尾都

學晉衣冠

竹林為官谷物今屬小修四歲中凡三易
主矣余頻年興作故後半以自箴仍用前
韻

閱人如郵舍旁觀意也寒年年山易姓事事水
催瀾免作勞生計都無駐景尤東移復西改似
休猴而冠

偶成

去去白雲層空江理釣罾竹方曾受削樗老不

堪繩靜悟競巢雀閒觀撲紙蠅辟蠶聊易米裂
却舊吳綰

碧鮮樓小集談養生

浮榮歷盡嘆膏花曉起方知髮有華弘景道成
矜白日樂天老去事丹砂聊開小閣延方士
拚取深閨鎖夜叉雲外鬚眉烟外語一瓶相對社
前茶

甲辰午節觀競渡

平湖新漲滑如油十丈紅旂繞樹流我有敝綈

三兩幅也將裁去掛船頭

二

碧酣樓下水平谿濯足池邊日正西
橋上橋下人如蟻只愁翻却孟公堤

偶成

白頭學得一無成倦即拋書飽即行
漸老始知窮本艸多閒方喜讀淵明
東家流水傾庄買西角叢梢遠屋生
擬與樂天為近舍借他歌板佐

鷓鴣聲

湖上碧酣樓落成

聊作棲身也。遂成隱者家。三回脩■予四度看
荷花。碎影方塘月。蒼烟活水茶。稚川徒自累白
首。戀丹砂。

暑中舟行入村舍偕冷雲及明教居士

深林棗實紅。沙鳥立陰中。曠野雲燒日。平川雨
洗風。酒香知社近。柯靜識年豐。漸看河橋上。提
攜有醉翁。

二

拋却舊衫紅披蓑向此中微雲縹碧水深樹綠
沈風官稅粗能給山資了不豐撲頭隨衲子猶
可作龐翁

初入村居

割愛聊芟竹薙荒暫作橋雲嵐披舊址花鳥歷
前朝澗伏多年雪山深太古條南華志恠者不
達小逍遙

二

一派松篁路聊通曲木橋山空孤女嘯樹古鳥

玉朝花入玲瓏榭
溪分婉孌條
不知鴻近遠
只覺去人遙

七月六日

瞥眼花成實
驚心鳥作橋
婆娑平硯笑
齋沐老僧朝
薄月疏煙竹
回風怒水條
餘生施靜嶠
轉覺世途遙

山中

是處堪銷伏
深林半沼臺
水纔驅熱去
月適送風來
滴厯松間路
幽澄雨後苔
十年前後事
電

清江雜錄
火與飛埃

山中限韻

山氣親藤杖花光耀酒鐙
好風排日至佳月徹
旬明僧院棊頻覆
田家座屢盈
騰騰清睡裏
證得小無生

吳生貧甚所遭輒奇詩以送之

踏遍吳關楚陌塵
榆花空對白羅春
如何四海
衣居士偏遇人間憔悴人

二

謝氏青山入夢多
騷人終是惱湘波
白公有語君聽取
命壓人時不柰何

徐景鳳元輝叅訂

門人袁荊度無涯初校

吳士冠相如手書

清碧堂集卷之七

石公表宏道中郎撰

麻城李長庚酉卿閱

詩

入德山舟中偕寒灰冷雲雪照諸衲子及
雲影居士月中有述

一帆斜月墮澄川似有人呼鐵笛仙老至青山
為眷屬生來白社有因緣幽探處處書成卷淨
侶年年載湍船料得浮蹤無定止住如竿影去

時烟

舟中望黃山

識面三十年登臨繞半次濡雨出層嵐未曾留
一字青山笑主人何事近相易墨濡汗巉岈數
盡他家事主人忽沉想為君構幽麗兀然三四
峰反覆無可記孱陵一萬家家立生翠倍遠
倍高寒淡冶如鼯睡昔我登郡樓微茫見葱髻
越三峽而南千里盡平地見培塿則喜何況發
姿媚見色不見山此是山三昧

中秋偕諸衲泛舟洞漣

市地雲銷盡平湖絕點青琉璃天子月香水海
王城怒蛤排帆立神魚掣練行山僧翫觀忍一
倍發光明

甲辰中秋後二日禮德山鑑大師塔偶成
四偈示同行諸衲

少年學得踰胡神十地三賢眼上塵老去無端
呈敗醜倒持霜刃與他人

二

清江雜錄
流水高山只自聽白雲終不礙峰青貪也一口
龍潭沫枉却金剛般若經

三

電走星流也是遲龍潭不見是親師而今石塔
牢籠取正是金剛出世時

四

棒頭有眼師辨取響裏尋文我不知前日少陵
祠上過秋花秋鳥摠如詩

秋夜宿德山絕頂翫月前此看月江上頂

有善卷壇

江月峰頭月清光
孰能多稍能增
漱灑終是讓
嵯峨深谷高巖在
蒼顏白髮何古來
師善卷未必解塵羅

龍岩御載酒過德山見訪一別十三年矣
感念存沒不覺悽然已復自笑舉觥相樂
遂大醉

十年一瞥意蒼茫
話到青山且盡觴
免與泡漚
愁起滅聊從烟水
決行藏閒吹玉笛
翻新曲醉

倚天花入道場試去武陵谿上照頭毛白盡老
蕭郎

龍君超邀余過新置山莊莊在翠微中甚
幽僻

掃石移尊去披雲曳杖行岡巒頻轉換郭郭偶
生成溪盡田家出山迴仄路平遠峰稠疊起蒼
翠撲軒楹

二

閒即攀蘿上倦來枕石眠田廬陰翠壁鷄犬入

廣烟竹院通茶戶山鄉近水塵主人心但了勝
竹著形仙

三

買足青山地幽回構屋居暮烟慈竹嶺秋水菊
花渠煉石為方藥磨嵐寫道書丹砂如就得拔
去即仙廬

四

閉却層崖道人間了不知漁樵分氏族花果認
千支滴露新梧子叅雲老檜枝龍髯曾此去巒

清集堂集
卷之八
壑也堪疑

德山遇大智龍湖舊侶也

湖上烟巒一抹青
他時親見望州亭也
知魯國真男子
要識中郎舊典刑

二

好伴青山作主人
門前衲子去如塵
法堂草長深三尺
更與腰鑣走一巡

德山簡劉憲使

碧渚蒼烟分外奇
浪中丹雘影離離
雲開絕壁

楚遲吏溪盡春林見戟枝暇日山臞多對語清
時留部也傳詩南陽子驥今誰是正好從君覓
路岐

二

龍潭秋水碧鱗鱗好向桃源去問津雲裏高牙
如洞府花間生齒類仙人嗟他善卷非同世記
取金剛是故鄰為語殿西三桂子青蓮今已悟
前身憲使蜀人許卷三桂花下

德山遍入諸巖壑

清興堂集
總被閒驅使登臨也未閒霞光紅漲壁水氣綠
浮山遍入雲岐路熟觀石面顏似曾經眼過想
像不知還

荅龍君御見憶之作君御詩云我家德山
不得住故末句云云用博一笑次篇聊為
解嘲亦可作一段公案也

雲嵐已是屬閒身高下青崖日幾巡看盡德山
好烟水只緣不是武陵人

二

眼前巒壑任高低身裡尋身却是迷正在武陵溪上住不須更覓武陵溪

德山聞長嫂去世慟念伯脩感而有作
未亡亡去竟何悲腸斷坡公即世時今日德山
峰頂上吞聲重作哭兄詩

二

山北山南累亦多愁緣不盡奈他何花源正好
深深去又聽人間薤露歌

別龍君超君御兄弟

清江先生集
青鞋不破武陵春
歸去西風一面塵
荷葉山頭聞杜宇
余村居名荷葉山
桃花源上別秦人
深村稻熟泉當戶
廢苑茶香寺作隣
可是無花無地主
祇緣無計得分身

夜深不寐起視星文遂成謎語戲別君御兄

北斗闌干南斗橫
竹林今夕夢難成
願憑織錦天孫指
譜出陽關疊外聲

答君御諸作

碧水丹崖不自由，無因闌入會仙樓。
布帆飽趁清湘水，幾處青楓黃葉舟。

二

溪鳥溪花盡寄聲，花源無路只空行。
陶潛老被漁翁誤，枉把青山累後生。
來詩嘲余不入花源

三

溪流片片疊春紗，紅樹前頭又一家。
寄語青門種瓜叟，種瓜先種枕頭瓜。
來詩有種瓜青門句

四

打疊歌鬟與舞裙
九芝堂上氣如雲
無緣得見金門叟
齒落脣枯鵝細岩

時君御演出金門記

九日登高河湫山

高閣俯蒼崖
下有花源路
料得避秦人
入山從此去
潭水洗山膚
膚盡紅霞露
老蛟挾瘦石
千古盤渦怒
溪上盡漁郎
誰識花流處
事往白雲新
人去青山故
挂却茱萸囊
長嘯倚丹樹

夜入桃源縣月中

深村杞菊香
壁影拂船涼
和月和烟市
金山金

才鄉高雲排鶴路怒沫響魚梁
若箇垂綸客溪頭舊姓黃

望淥蘿山有懷江淥蘿年兄

好在青谿曲巖花石乳新
空聞流水引不見淥蘿人
明月層層岫島紗面面塵
十年求道侶能不憶仙隣

題挺源縣

開慶雲常至僮來鳥亦隨
仙人成邑里煙水作城池
山有容空地溪無不怒時
偶然嵐翠起一

縣綠離離

入槭花源

溪雨濯雲根花林水氣溫
睡鸞常守月仙犬欲遮門
綠壁紅霞宅丹砂石髓村
人中幾甲子洞裏一黃昏

二

白頭了髻子花裏去如仙
鳥弄雲霞柵人耕芝朮田
康年看紅藥生死在蒼烟
認着鑪香去瞿童火尚然

三

花石當雲闢驛門臨水關何年騎馬客跡斷採
芝山古井沈烟霧空潭洗面顏丘陵一變海一
度到人間

四

洞外一長揖人仙從此分看君如水影要我似
谿雲花氣熏崖戶霞光繞茜裙往來江海上鸞
鶴與相聞

伏波將軍避暑石室

青山憔悴故將軍
苔甲年年印水紋
受盡蠻烟與瘴雨
不知溪上有閒雲

二

行盡跼鵲水上頭
裹屍方始得心休
閒驅款段隨鄉里
我亦君家馬少游

穿石

溪上望穿石
欹懸如甕子
石底望溪山
山山如鏡裏
平平翠疊中
一峯天矯起
淡與奇相值
幽艷忽無比
鬼斧鑿天真
刻意出新詭
一處幻玲瓏

瓊千嶕嶢花藥虛空不受雲飛仙無停趾唯有
地籟風終古來遊止時時隨落花飄渡秦人水

水心崖

鯢龍負巨山一往來潭睡春沫與秋瀾洗盡青
山蛻石膚鑑水光遞互發清麗轉盼分瘦妍生
動各有意我欲舉鐵網拔出珊瑚翠付與種桃
人置之花深地他時携枰來石上聊一戲

桃花源和靖節韻

一笈叩烟嵐白雲今幾世桃花不肯流溪水無

情逝竅開渾沌亡撲散羲黃廢青山一舍郵仙
家偶來憇白頭老黃冠繭手事耕藝呵呼隨里
胥鞭笞了官稅岫老鷓鴣斑谿淺琉璃吠日供
冠裳騶寧曉芰荷製緬想紫芝人驟雲幾相詣
洞府簾堂深雲霞空凜厲天人一昏旦人間百
餘歲宇宙何不有謾勞作聰慧迂儒飽世情俗
腸非境界紛紛辨偽真等為方內蔽常聞列子
風可以駕烟外長驅入仙林徧覓心所邦

槿花流水引

花源棹返幽思繁懷枕上夢
中如有町得命曰槿花流水

引亦仙家
竹枝詞也

華陽巾子碧絛環紫府簾前舊押班
阿母筵頭爭一擲醉中輸却小蓬山

二

路逢蕭史不回身風裊芙蓉繡領巾
雲裏自然清格少但憑閨艷作仙人

三

袖却紅雲待紫皇談諧長是困東方
乍來不識天顏笑只道頻噓列缺光

四

夜深仙犬吠花關
私過雲英與玉環
天上看來偷律重
玉梳一顆謫人間

五

掃斷紅霞陌上塵
青鸞白鳳集仙真
吹笙搗藥皆廚品
要作蓬山罵坐人

六

關州筵前霞作堆
花宮無事濫驅雷
麻姑向說水清淺
又過扶桑看一回

七

東海群兒拜木公
腰間常繫鳳凰籠
絳襖一舞三山去
驚起扶搖颺翅風

八

光碧堂前催賜衣
少年天女弱腰圍
而今花樣新奇甚
不用銀河織錦機

九

盡到朝元會上來
春風坐遍小瓊臺
閒聽蔡誕輸龍語
引得諸仙笑似雷

十

澆盡銀灣水作田全憑竒僻傲諸仙
老萊猶自耽兒戲弱水洋中泛鐵船

托龍君超為覓仙源隱居詩以寄之

雲石村中且卜廬憑君為買一峰餘
全栽芝菊為疆界盡寫雲嵐入券書
門對仙童澆藥地卷通毛女浣花渠
閒中每愛天台去好與劉晨閒屋居

竹枝詞時阻風安鄉河中

一溪纔順一溪灣一尺纔過一丈還船子已愁
箭括水兒童又指帽兒山

詭云黃山戴帽必風雨河名一箭河水勢

甚急

二

蘆花枝上水痕新南市東村打白鱗只在梁山
山背面梁山何嘗不離人

三

武溪葱翠獨稱梁正望黃山一點蒼三日風頭

兩日雨謝公昨夜拜梁王

黃山有神即漢梁松也俗呼

清溪堂集
王為果

四

儂家生長在河干，夫婿如魚不去灘。
冬夜趁霜春趁水，蘆花被底一生寒。

送寒灰入叅上兼訪陳遇卿

青峰只在兩眉間，何事三回不駐顏。
信是黃冠多俗品，不曾俗却謝羅山。

寒灰三過武當皆未入山

二

玄編檢盡蠹魚殘，不載雲官與鳥官。
未識上真

真本末君行試取藏經看

三

摩肩簇綺沸如雷
早向天門道上来
為語別峰佳絕處
玉虛巖底出瓊臺

四

少年擲却敝頭巾
老去常思箇裏人
葱嶺走來無隙地
莫教踏着一微塵

九月二十九日同羅服卿及社中諸兄弟
登高二聖寺用扇頭韻

清我堂集
昔去逢秋至今來送九
歸菊殘將入枕綿老漸
裝衣定起書黃葉杯闌
語翠微禪翁兼醉侶一
種不相違

二

竹裏將雲去窓間看鳥
歸酒香沾淨具花氣着
僧衣老圃推先達星壇
禮少微塵勞君莫問問
着與心違

服卿訪余柳浪不遇俟
我沙頭既歸服卿
再至遂用韻贈之

千里勞君至三秋俟我歸
柳殘多葉字蓮解一池
衣逸格臨杯見新思入
路微雲山心摠在來
與宿根違

唐堯胤自貴竹過訪用君御韻奉贈唐昨
歲出閩

夷馬向東馳青袍敝許時袖中三尺雪夢裡一
竿絲泥酒呼鸚鵡披詩想荔枝武夷若再至為
我道相思

唐堯胤以詩見投用韻奉答唐從貴竹來

滾滾飛塵路蹄輪相伴居濁杯繞瘴月顛舛雜
蠻書弔古悲無忌憂時託子虛蕉衫涼似水騎
馬欲烏如

閏九月一日羅服卿唐堯胤王以明劉繩
之王連玉及方平無煩兩弟夜集齋頭得
成字

竹外閒風雨瀟瀟又沸城杯行蘭炷落話盡酒
壚鳴卷石歌蒼瘦寒花倍老成喜逢嚴錄事三
五令申明

簣簞谷七夕露坐

山亭漠漠冷秋烟只在懸藤古石邊
眼裏何曾離好竹耳中恰似有鳴泉
稍開僻徑通斜月坐看明河憶去年
已水正長天正濶綠楊門外有
酤船

徐景鳳元輝參訂

門人袁昶度無涯初校

吳士冠相如手書

